



Broj:09-20/1-11-2-1859

Dana:13.12.2021 godine

Na osnovu člana 43., i 45., Zakona o unutrašnjim poslovima Federacije Bosne i Hercegovine („Sl. novine Federacije BiH“ broj: 81/14), člana 25., 69., i 70., Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje otvorenih postupaka nabavke u 2021. godini, zamjenik direktora Federalne uprave policije d o n o s i:

O D L U K U

o izboru najpovoljnijeg ponuđača za Javnu nabavku uniformi i dijelova uniformi za SPJ

Na osnovu obavještenja o nabavci broj:1412-1-1-192-3-101/21, objavljenog u „Sl. glasniku BiH“ broj:56/21 od 10.09.2021 godine, proveden je otvoreni postupak.

1. Za predmetnu javnu nabavku pristigle su dvije ponude i to od pravnog lica „DANIAL S“ d.o.o. Tešanj i „ASTORIJA COMPANY“ d.o.o. Novi Grad.
2. Komisija je utvrdila da je ponuda ponuđača **“ASTORIJA COMPANY” d.o.o. Novi Grad** sa ponuđenom **konačnom cijenom od 49.992,41 KM bez PDV-a** za Javnu nabavku policijskih uniformi i dijelova uniformi za Specijamnu policijsku jedinicu (procjenjena vrijednost nabavke 76.961,75 KM bez PDV-a), formalno pravno ispravna u opštem i uz primjenu kriterija-najniža cijena, najpovoljnija u ekonomskom smislu te shodno tome dala preporuku da se donese Odluka o izboru najpovoljnijeg ponuđača pravnog lica **ASTORIJA COMPANY” d.o.o. Novi Grad**, što je i konstatovano u Zapisniku sa sastanka komisije od 13.12.2021. godine.
3. Obavezuje se ponuđač iz tačke 2., ove Odluke da u roku od 5 dana od prijema ove Odluke dostavi dokumenta navedena u tački 12., odnosno 13., Tenderske dokumentacije, broj: 09-20-11-2-1859.
4. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
5. Cijeneći prijedlog Komisije, zamjenik direktora Federalne uprave policije donosi Odluku kao u dispozitivu.
6. Za izvršenje Odluke zadužuje se Sektor za materijalno-finansijske poslove.

O B R A Z L O Ž E N J E

Komisija za provođenje otvorenih postupaka nabavke za 2021. godinu, imenovana Rješenjem zamjenika direktora Federalne uprave policije, broj: 09-19/1-30-2-207 od 18.03.2021. godine, je postupala shodno obavještenju o nabavci broj: 1412-1-1-192-3-101/21, objavljeno u "Službenom glasniku BiH" broj: 56/21, dana 10.09.2021 godine, te tom prilikom provodila otvoreni postupak Javne nabavke uniformi i dijelova uniformi za SPJ.

Dana 29.09.2021 godine, Komisija za provođenje otvorenih postupaka nabavke za 2021. godinu je izvršila radnju Otvaranje ponuda o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

Komisija je u Zapisniku o pregledu i ocjeni ponuda od 25.10.2021 godine, konstatovala slijedeće:

--- Da ponuda pravnog lica „DANIAL S“ d.o.o. Tešanj ne ispunjava uslove tražene tenderskom dokumentacijom odnosno da se uvidom u dostavljene primjerke/uzorke uniforme i dijelova uniforme za SPJ, može konstatovati slijedeće:

- dostavljeni primjerak kačketa je izrađen od neadekvatnog (mekanijeg) materijala koji ne zadržava traženi oblik i formu osmougaonika pri korištenju;

- košulja kratkog rukava ne odražava traženo pozicioniranje bočnih džepova na nadlaktici (bočni džepovi su pozicionirani bliže unutrašnjem dijelu ruke) odnosno džep je zajedno sa znakom pozicioniran previše prema unutrašnjem dijelu ruke;

- kod dostavljenog primjerka košulje kratkog rukava zadnji dio košulje je poprijeko prosječen i mrežica ne povezuje gornji i donji dio leđa od tkanine kako je traženo tenderskom dokumentacijom;

- kod dostavljene košulje dugog rukava elastična traka koja reguliše visinu i položaj lakatnog pojačanja je smještena na ne adekvatnu poziciju odnosno na pregibu nadlaktice i podlaktice sa unutrašnje strane i smesta predviđenoj funkciji;

- kod dostavljene košulje dugog rukava zaštita za lakat (džep u kojem je smješteno anatomske oblikovano lakatno pojačanje) je postavljena prenisko tako da štiti samo podlakticu odnosno nije postavljen da vrši traženu funkciju;

- dostavljeni primjerak pantolona ne sadržava dvije opletene rupice (lufteri) sa unutrašnje strane između nogu;

- dostavljeni primjerak pantolona nema otvor za izbacivanje nečistoća na donjem kraju pantolona;

- na dostavljenom primjerku kombinezona, traka-čičak za čin je prenisko postavljen odnosno u nivou stomaka;

Plombirani izvještaji o analizi i kontroli kvaliteta kao i Izvještaj o analizi i kontroli kvaliteta koji su dostavljeni uz uzorke dijelova uniforme i to od strane ovlaštene i certificirane institucije „Euroinspekt“ d.o.o. Sarajevo su potvrđivali da su isti usklađeni sa tenderskom dokumentacijom što je u suprotnosti sa gore navedenim činjenicama a koje je utvrdila Komisija. (primjer-dostavljeni primjerak pantolona ne sadržava dvije opletene rupice (lufteri) sa unutrašnje strane između nogu a isti su naveli da je dostavljeni uzorak usklađen sa tenderskom dokumentacijom). Napominjemo da je „Euroinspekt“ d.o.o. Sarajevo u svom Izvještaju naveo da je za određene analize neakreditovan (ne akreditovan za postojanost boje na znoj, vrste tkanja, postojanost boje na otiranje, postojanje boje na hemijsko čišćenje itd) ali je bez obzira na navedeno dostavio Izvještaj o analizi a što potvrđuje da je taj Izvještaj nepotpun i da samim time se neispunjavaju uslovi traženi tenderskom dokumentacijom

--- Da ponuda pravnog lica „ASTORIJA COMPANY“ d.o.o. Novi Grad ne ispunjava uslove tražene tenderskom dokumentacijom odnosno da se uvidom u primjerke/uzorke dostavljene uniforme i dijelova uniforme, može konstatovati slijedeće:

- dostavljeni primjerak kačketa ne odražava osmogonaoni oblik koji je tražen tenderskom dokumentacijom (nije urađen štep);
- na dostavljenom primjerku/uzorku košulje kratkog rukava na oba rukava nedostaju predviđeni džepovi a na lijevom rukavu nema čička za amblem;
- na dostavljenom primjerku/uzorku košulje kratkog rukava na prednjem džepu nema predviđeni otvor za olovku, lampu itd;
- dostavljena jakna odražava traženu formu ali je izrađena od neadekvatnog materijala (tankog materijala) i na bočnom dijelu nema mrežice u traženom dijelu;
- dostavljeni uzorci uniforme ne odgovaraju traženoj boji tamnosiva (SCHWARTZGRAU) oznake RAL 7021 IZ RAL- kolor kard.

Plombirani izvještaji o analizi i kontroli kvaliteta kao i Izvještaj o analizi i kontroli kvaliteta koji su dostavljeni uz uzorke dijelova uniforme i to od strane ovlaštene i certificirane institucije „Bosnainspekt“ d.o.o. Sarajevo su potvrđivali da su isti usklađeni sa tenderskom dokumentacijom što je u suprotnosti sa gore navedenim činjenicama a koje je utvrdila Komisija. Napominjemo da je „Bosnainspekt“ d.o.o. Sarajevo izvršila određene analize za koje nije napisla da je akreditovana kao npr: vodoodbojnost, skupljanje na pranje 40% , hemijsko čišćenje, itd.

Po osnovu navedenog, ugovorni organ je dana 26.10.2021 godine, donio Odluku o poništenju postupka Javne nabavke policijskih uniformi i dijelova uniformi za SPJ, na koju je dana 03.11.2021 godine, od strane „DANIAL S“ d.o.o. Tešanj uložena žalba. Ista je sa našim izjašnjenjem o žalbi dana 09.11.2021 godine, dostavljena Uredu za razmatranje žalbi BiH.

Dana 02.12.2021 godine, od strane Ureda za razmatranje žalbi BiH po predmetnoj žalbi je doneseno Rješenje broj:JN2-03-07-1-3150-7/21 kojim se žalba žalioaca „Danial s“ d.o.o. Tešanj **usvaja i poništava Odluka o poništenju postupka broj:09.20/1-11-2-1859 od 26.10.2021 godine** i predmet vraća ugovornom organu na ponovni postupak. Kao razlog za poništenje navedene odluke se navodi da je:

- „sporno što je Komisija pored dostavljenih Izvještaja o izvršenoj laboratorijskoj analizi kao i Izvještaja vizuelne kontrole konstatovala da uzorci navedenih dijelova uniforme nisu usklađeni sa TD zbog čega je odbacila ponudu žalitelja“ ,
- „da ugovorni organ prilikom pregleda i ocjene ponude žalitelja nije postupio u skladu sa odredbama tačke 24. TD, jer je zanemario činjenicu da je propisano da se uzorcima ponuđenih artikala sa plombiranim izvještajem o izvršenoj analizi i kontroli kvaliteta kod ovlaštene i certificirane institucije u BiH dokazuje da ponuđeni proizvod ponuđača zadovoljava tražene tehničke karakteristike iz TD“
- „da ugovorni organ tačkom 24.TD zadržava pravo da bez saglasnosti ponuđača izvrši dodatne analize i kontrole kvaliteta. Međutim dodatnu analizu i kontrolu kvaliteta ne može vršiti Komisija ugovornog organa nego dokaze koji se zahtjevaju vrše ovlaštene i certificirane institucije u BiH“.

Nakon potpunog sagledavanja svih činjenica i uvida u predmetnu dokumentaciju Komisija je konstatovala da je neosporno utvrđeno da postoje nedostaci na dostavljenim uzorcima a što je navedeno u Zapisniku o pregledu i ocjeni ponuda od 25.10.2021 godine. Žalitelj u svojoj žalbi nije osporio nedostatke koji su navedeni u Zapisniku o pregledu i ocjeni ponuda, čime isti nisu negirali da nedostaci na dostavljenim uzorcima postoje.

Međutim, Ured za razmatranje žalbi BiH u svom Rješenju broj:N2-03-07-1-3150-7/21 od 02.12.2021 godine, kojim je naloženo poništenje Odluke o poništenju postupka broj:09-

20/1-11-2-1859 od 26.10.2021 godine i vraćanje predmeta na ponovni postupak, je naveo da je žalilac "Daniel S" d.o.o. Tešanj "postupio u skladu sa tačkom 24 TD i dostavio tražene uzorke, plombirane izvještaje, izvještaje o laboratorijskom ispitivanju i o vizuelnom pregledu akreditovanih laboratorija" i da ugovorni organ treba postupati po stavovima Ureda iznesenim u predmetnom rješenju i donijeti novu Odluku u skladu sa Zakonom o javnim nabavkama BiH i tenderskom dokumentacijom.

Obzirom da osim tehničkih nedostataka koji su navedeni u Zapisniku od 25.10.2021 godine, nije utvrđeno postojanje drugih formalno-pravnih nedostataka u ponudama ponuđača „DANIAL S“ i „ASTORIJA COMPANY“, Komisija je konstatovala da je potrebno nastaviti predmetni postupak u skladu sa stavovima Ureda za razmatranje žalbi BiH i drugim propisima te dostaviti zahtjev Sektoru za mat-fin poslove za provođenje e-aukcije, što je i učinjeno.

Komisiji je nakon provedene e-aukcije, dostavljen akt Sektora za mat-fin poslove sa izvještajem o toku i završetku provedene e-aukcije broj:1412-1-1-192/21 od 13.12.2021 godine, kao i konačna rang lista u otvorenom postupku javne nabavke policijskih uniformi i dijelova uniformi za Specijalnu policijsku jedinicu.

Primjenjujući kriterij–najniža cijena, Komisija je konstatovala da je ponuda ponuđača „ASTORIJA COMPANY“ d.o.o. Novi Grad za nabavku policijskih uniformi i dijelova uniformi za Specijalnu policijsku jedinicu, sa ponuđenim iznosom od 49.922,41 KM bez PDV-a na e-aukciji **prihvatljiva** te shodno članu 70., Zakona o javnim nabavkama Bosne i Hercegovine, predložila donošenje Odluke o izboru najpovoljnijeg ponuđača za pravno lice „ASTORIJA COMPANY“ d.o.o. Novi Grad

Pravna pouka: Protiv ove Odluke može se podnijeti žalba ugovornom organu, Federalnoj upravi policije u roku od 10 (deset) dana od dana prijema ove Odluke.

**ZAMJENIK DIREKTORA
GENERALNI INSPEKTOR POLICIJE**

Ensad Korman

Dostaviti:

- Sektor za mat. fin. poslove
- ponuđačima
- u spis